



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.5. Constantinopoli multa vi adhibita aguntur.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

testatem Ecclesiasticam in Imperatorem contulit, qui tanta Auctoritate munitus cunctos ad observandum Decretum suum contra Imagines editum vi adhibita compellere cœpit.

§. V.

*Constantinopoli multa vi adhibita aguntur.*

Magnum Constantinopolitanæ urbis Palatium ingressuris transeundum erat per vestibulum, quod Græci *Chalce* appellabant, quia laminis æneis tectum erat, & forum, dictum *Chalcopratea*, id est, forum cupri, contingebat. In hoc vestibulo erecta erat Imago Jesu Christi e cruce pendentis, quam cuncti veneratione singulari prosequabantur. Hanc Constantinus Magnus affigi jussisse ferebatur, memor Crucis prodigiosæ, sibi olim in Cœlo conspicuæ, multaque ibi edita miracula narrabantur, inter quæ & istud locum habet. Quidam mercator, cui nomen Theodorus, rebus suis omnibus naufragio exutus, a Judæo, nomine Abraham, quinquaginta libras auri mutuas acceperat & Jesum Christum, in illa Imagine repræsentatum, vadem obtulerat. His, profectio auspicato suscepta, opes recuperavit, & Judæus se convertit; unde illa Imago *Antiphonetes*, id est, *vadem se præbens*, appellata.

Sæcul. VIII.

A. C. 730.

V. Cang. C.

P. Chr. lib. 2.

p. 114. &c.

& lib. 4. n. 9.

p. 85.

Narrat. de

Antiphon.

to. 2. Auf.

Bibl. PP.

Combef. p.

611.

B 2

Nullam

Sæcul. VIII.

A. C. 730.

*Greg. ep. I.  
to. 7. Conc.  
p. 19.  
vit. S. Steph.  
p. 415.*

*Cang. lib. 2.  
p. 116.*

*vit. S. Steph.  
p. 415.*

*Menol.  
Mart. Rom.  
9. Aug.*

Nullam prius quam hanc Imaginem deletam cupiens Leo Imperator misit Prætorianorum unum, nomine Jovinum, qui eam destrueret. Quædam mulieres forte præsentibus Jovinum, imperata face-re parantem, summis precibus flectere nitebantur, ne tanto Sacrilegio se pol-luere vellet, cumque ille spretis fæmina-rum precibus scalam applicitam conscen-disset, & ter securi effigiem in facie per-cussisset, mulieres subtracta scala Jovi-num terræ afflictum, & fœde dilaniatum, in ipso loco interimunt. Nihilominus dejecta illa imagine, & flammis tradita, Imperator Crucem vacuum reponi iussit, cum Inscriptione indicante, Imaginem fuisse ablatam. Nam Iconoclastæ Cru-cem venerabantur, si modo Crucifixus abesset, & illas solum deletas volebant imagines, quæ figura erant humana. Tum mulieres Jovini interfectorices ad Pala-tium Patriarchale procurrunt, saxa inji-ciunt, clamantes: *Anastasi! veritatis inimice turpissime! num ideo Sacerdotium invasisti, ut res Sacras perderes?* Anasta-sius contumeliis excitatus ad Imperato-ris conclave festinanter se proripit, ob-tinetque, ut hæ mulieres ultimo suppli-cio afficerentur. Cum eis etiam alii, numero decem, viri octo & duæ fæmi-næ necantur, quos Ecclesia Græca Mar-tyrum numero adscriptos nono die Au-gusti

gusti colit. Multi Christiani ex Occidente, qui Roma, ex Francia, ex Regione Vandalorum, ex Mauritania, ex Gothia advenerant, horrendi spectaculi testes adfuere, & novæ rei tristissimum nuncium in patriam detulerunt.

Sæcul. VIII.  
A. C. 730.

Theoph. an.  
10. p. 339.

Leo Imperator scientiarum omnium ignorantia laborans præ ceteris in viros doctos furere cœpit, & scholas, a Constantini Magni temporibus florentes, in quibus Sacræ litteræ docebantur, sustulit. Constantinopoli prope Palatium Cæsareum Bibliotheca erat ab Imperatoribus fundata, in qua ultra triginta voluminum millia visebantur, ejusque præfectus, nomine Læcumenicus vir præclaris meritis conspicuus. Habebat duodecim alios sibi subordinatos, qui suos Discipulos gratis in Religione & Scientiis profanis erudiebant. Porro ea erat apud omnes de viris istis sapientiæ opinio, ut iis inconsultis rem magni momenti moliri Imperatoribus vix liceret. Leo Imperator eos tum minis tum pollicitationibus aggressus, ut in suam sententiam de rejiciendis imaginibus pertraheret, cum tandem desperaret, se id a constantissimis viris impetrare posse, circa totum Bibliothecæ ædificium ligna arida, & materiam, quæcunque ignem facile conciperet, subjici, atque unacum libris omnes illos, qui eos custodiebant, concremari

Constant.  
Manaf. p. 87.  
v. Cang. C. P.  
Chr. lib. 2.  
n. 3. p. 151.

B 3

jussit.

Sæcul. VIII.  
A. C. 730.

jussit. Tandem vel blandis insidiis, vel vi aperta, omnes Civitatis Constantinopolitanæ incolas compellere conatus est, ut omnes Imagines Jesu Christi, Sanctæ Virginis, aliorumque Sanctorum, ubicunque essent, in foro Civitatis comburerent, & omnes Ecclesiarum parietes picturis ornatos dealbarent; multi vero obedire detrectantes, alii capite plexi, alii alia corporis parte truncati. Multi denique in hac persecutione Clerici, Monachi, Laici Martyrium passi.

Anast. in  
Greg. II.  
Theoph. an.  
13. p. 343.

## §. VI.

*Seditio in Italia.*

Inexpectato persecutionis nuncio in Italiam delato, Imperatoris Imagines dejiciuntur, pedibus seditiosorum calcantur, & Longobardi captata occasione in Pentapolim movent. Jam ante hæc omnia cum Longobardi Indictione undecima, id est, anno 728. Sutrium in Hetruria occupassent, Papa missis epistolis tum hortatu tum donis a Rege Luitprando obtinuit, ut urbem, ut ut expilatam, redderet. Verum postea Rex initis cum Eutychio Exarcho foederibus, arma cum Romanis jungere statuit, ut ipse Duces Spoleti & Beneventi ad præstandam sibi obedientiam compellere, Exarchus vero Romam ad deditionem cogere, & contra Papam jam pridem sibi mandata exequi